



Council hnuiah committee pahnih din

Chanmari West, April 8 : Local Council president Pu F Zosanga chairman-na hnuiai kalpui turin committee pahnih din a ni a, tun kar thawtannia Chanmari West Local Council meeting vawi thumna chnuan Integrated Child Development Services (ICDS) hnuiah Chanmari West Local Council huam chhunga Anganwadi Co-Ordination Committee tur bakah, Village Level Vigilance Committee tur dinin, hruiatu tur pawh an inruat fel nghan.

ANGANWADI CO-ORDINATION COMMITTEE

Chairman : Pu F Zosanga
Vice Chairman : Pu T Ngurkhuma
Secretary : Pu K Darhantluanga
Asst. Secretary : Pu RL Thanhnuna
Treasurer : Pu H Lalramhluna
Fin. Secretary : Pi Biakngheti
Member: 1) Pu H Lalthuama, 2) Pu H Vanlalvena, 3) Pu C Lalmuanpuia, 4) Pu Laliangsangpuia, 5) Pi Darthansangi, 6) Pi Zopari, 7) Pi Lalengzami, 8) Pi Vanlalchhuangi, 9) Pu R Thanga, 10) Pu K Lalramzauva, 11) Pi Lalthanmawii, 12) Pu Nundanga, 13) Pu H Biakchhunga, 14) Pi Vanlalfeli, 15) Tv H Vanlaltlana.

VILLAGE LEVEL VIGILANCE COMMITTEE

Chairman : Pu F Zosanga
Member Secretary : Tv Zairemmawia
Member : 1) Pu A Biaklawma, 2) Pu H Lalramhluna, 3) Pu C Lalmuanpuia, 4) Pu Vanlalvuna, 5) Pu K Pahlira, 6) Pu Lalthanruma, 7) Pu R Thanga, 8) Pi Lalthanmawii, 9) Pu Lalbiakzama
Veng chhung huap NGO aiawh, Kohhran aiawh, Political Party aiawh leh Prominent Citizen-te nen khawtlang mamawh Gas leh sanitation chungchanga hmasawnna tur ngaihtuah ho turin tun thawhtan zan dar 7:00 hian Pasaltha Neuva Inah meeting koh a ni.

CYMA buatsaih football, basketball tournament

Central YMA sports sub-committee chuan May khian branch hrang hrangte inelna tur football leh basketball tournament a buatsaih dawn a, a tirah tournament pahnihte hi tun thla ni 24-a tan tura ruahman ni mah se, Mizoram Football Association-in calendar a hman mek nen a insut buai avangin sawn tlai a ni.

May 1 atangin Zarkawt YMA Recreation Centre-ah basketball khelh tan a ni dawn a, May 16 atangin football tan a ni ang. Mizorama tournament ngaihven hlawh football-ah hian kan branch-in quarterfinal aia thui kan la kal pel lo va, kumin hian engti angin nge branch committee-in ruahmanna a siam dawn hriat ni rih lo mah se, hnuhma thar hnutchhaha dinhmun tha tak luah thei tura hma a lak ngei a beiseiawm.

Tun season-ah Chanmari West Sporting Club football team an che tha viau a, second division team pariat zinga point hmu sang ber ni mekin,

April 23-a Aizawl khelh tan tur Mizorama club thate inelna huap zo MFA Cup khel thei zingah telin, Aizawl District Football Association-in May-a season kharna tournament a buatsaih turah an dinhmun an humhim thei a nih chuan season tharah first division-ah an inhlankai ang.

Club football-ah kan vengin boruak tha tak a neih lai a nih avangin, vengchhung football chik mite chuan YMA football-ah pawh dinhmun tha luah thei turah an inngai. Tun inrinnia khelh zawh tak veng leh khaw hrang hrang inelna Red Ribbon football-ah erawh sum leh therhlo vangin player thenkhatten veng tan aiin veng dang tana khelh an duh zawk a, a sang 16 zingah Chanmari West a inhlankai pha ta lo.

YMA football-ah engtin nge player ten rilru an put leh dawn tih hriat a ni lo va, sum leh therhlo hmanga inthlemla erawh YMA football-ah awm tawh lo tura ngaih a ni.

Branch News

Kar Kar kalta chhung khan Zawlbuk hnatlang tum hnih neih a ni. Member thawkchhuak zawng zawngte chungah lawmthu sawi a ni.

Kan Kan Branch Vice President Pu R Lalhmachhuana te nupa chu chhungkaw thilah Thentlang-ah an zin a, dam takin an lo haw leh e.

Kan Kan Branch Executive Member Pu Lalriniana leh Ni Lalramengi te chu Workcamp in Tripura-ah an zin a, thlarau lama an chak phah ngei kan beisei a, dam takin an lo haw ta.

Ni Ni 5.4.2012 khan MHIP ten kuang tuamna tur puan a thlawnin eng emaw zat min thui sak a, an chungah lawmthu sawi a ni.

YMA Zawlbuk luah turin Pu V.Thangbuka te chhung 'T' Section te chu thlan fel an ni.

Chhiat Chhiat tawk an awm changa tawrhpuna leh hnem tuma kal aia, zu rui thawm bengchheng chhuah thin lo kal ve hi Branch Committee chuan hnawk a ti a, hetiang a ti tur mi chu lo inthlahrung turin a duh, chhiat tawh awm leh palhah pawh vengtu tur an indah tawh dawn a ni.

PEM CHHUAK

- Pu H Zoremsanga te chhungkua Pu L Romawia 'V' Section te In luah chu Tuikual 'S' ah an pem
- Pu J Lalawmpuia te chhungkua Pu Lalhriatpuia 'K' Section te In luah chu Hunthar-ah an pem
- Pi Remmawii te chhungkua Pu H Lalthlamuana 'T' Section te In luah chu Zemabawk-ah an pem.



TUNKAR CHANGVAWN

"Vantirkoh chuan hmeichhiate chu a bia a, "nangni chuan hlau suh u, Isua an khenbeh kha inzawng tih ka hria e. Hetah a awm tawh love, a sawi ang ngeiin kaihthawh a ni tawh a, a mutna hmun hrawn en teh mah u."

Matthaia 28:5,6

Editorial Board

Editor:	J.Lalnanglana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Kristian nundan tha ngaisangtu YMA te tan pawh Good Friday leh Easter Sunday pawh hi a hlutna leh ropuina a dang chuang bik awm love. Lal Isua thihna leh thawhlehna hi YMA memberte hian ringin pawm tlang ngat ila chuan, kan veng hi a nuam hle dawn a ni, chumai ni lovin Chanchinthia puang darhtu tha tak kan ni vek dawn bawk si a, kan va han thawhhlawk dawn em.

Tihtur leh tih loh tur kan nei a, hruaituten hmalakna tur an duang a, kan pawm leh peih zawng a ni vek kher lo mai thei, sawiseltu nih loh hram erawh a fintlhak, mi dangte tuina kan ti dal thei tlat a ni.

Kan hma lawkah CYMA sport kan nei dawn a, Sport lam tuimi tan chuan nuam leh thlakhlelh awm tak a ni ngei ang, hruaitute pawn kan veng tana inpe tawh thinte chu an hriathiam ngei a rinawm a, a sang sawmparuk zinga tel loh hi kan inhme lo.

Kan chhut hun hi good friday zana ni a, kan tan tlai a, kan bang har deuh. Chda thu ziak Chhiat rupna laka invenna hi chhiar mai lova, kan chhinchhiah that tlat a va tha em,a hun hi thleng that thei a ni, kan hma lawka sport awm tur avangin hetiang thu Ti-a ziak hi kan mamawh tlat.

2012 Thuwawn

*I awmdan tur chu
LALPA chungah nghat
la; Amah chu ring la,
aman a ti vek ang.*

Kar hmasa a mi chhunzawmna

Article :

CHHIAT RUPNA LAKA INVENNA

Lalchhandama

dangte hi a hriat theih deuh thin a, chung chu Television-ah te leh Internet lamah te puanzar a ni vat thin a. Hei hi keini Very High Damage Risk Zone a awm te chuan ngaihven ve deuh reng a ngai a. Inhmakhua lawk a, kan inchung leh kan bangte ruah leh rial lakah a him em? Inchung leh pawn lama kan bungraw dahte thli leh ruah lak ah a him em? leh thildang tam tak pawh a awm ngei ang hetiang zelin kan tawrhna tinep turin tan lak a tha hle.

IN KANG :

In kang tam tak hi Electric short kan puh thin na a, kan inthlahdah vang a ni fo. In kan na chhan thenkhat chu Mei tih mih chian tawk loh vang, Mombati chhem hlum loh vang, Ar in a eng chhit atangin, Khawnvartui leh Petrol atanga kangkai, LPG cylinder atanga put leh puak te leh Electric short vang te leh kan fimkhur loh vang hrim hrim te an ni.

In kang tam takah Electric short kan puh hi chu a dik vek hmel loh. Kan inthlahdah avang emaw chhan dang dang vanga kampmei chhuak hi thiam lo nih duh loh vangin, mualpho hliah nan Electric short kan ti ni mai in a lang. Electric wiring dik leh hmanraw tha hmanga wiring a short mawh viau. Kut themthiam deuh, thiam ve tho a in ngai te kan wiring tir a, earth line siam dan dik a siam si lovin, a then chuan a hruipui ami te kan pawt ru a, kan pawh ruk chiah loh pawhin energy meter hmaah hruipui pawt pengin kan hmang a, mi tam tak chuan kan connection load phal zat ang duh tawk lovin kan pawt peng darh vak thin leh nghal a, kan tek chhuai chhuai lo zawk hi mi dik lo vannei kan ni ringawt. Kan fimkhur tlan deuh a hun tawh khawp mai. Kang thei thil, Diesel/Petrol, Khawnvartui, LPG bur te hmun khata dah khawl teuh hi a him lo hle a ni.

In kang kan beih dan pawh tlem a kan thlak deuh a tha hle ang.

1) In kang kan hriat ve leh a thei thei kan tlan chhuak a, a hmun kan thlen hnuin hmanrua dap chawpin kang thelh kan tum thin. Kan in zawn buai chhungin tam tak alo kan hman thin a vangin, kan tlan chhuah pah in kang thelh theih na tur chi heng, Tui leh Bucket, Balu. Blanket, Buara etc. te hi thawhchhuah pui thin tur a ni.

Phek thumnaah chhunzawm.....

• N1 Lalhlupui (Mami) d/o C. Saithuama chu an in saknaa chesual chu a that chhuah leh thuai an duhsak hle. • Member-te leh hravuitute YMA hmalakna ngai pawimawh leh zual turin an inchah.

• YMA AW man leh Chhiatni Fund khawnfel thuai turin hravuitute an inchah a, chutih rual chuan la pe remchang lo chhungkuate a rang lama lo pe turin an ngen.

CHAWNGBAWLA

• Pathianni kalta khan damlo Pu K. Sangkhuma leh Pi Lalrinsangi Nu te kan a ni.

• An member K. Joy Laldohsaki chuan Hunthar lamah pasal a nei a, fanau mal tluan chawia hlim taka leng dun turin duhsakna an hlan.

• An member N1. Malsawmdawngliani chuan RMSA-ah hna a hmu thar a, an lawmpui hle.

NEUVA

• Dt 5.4.2012 khan Blanket su a sumtuak hnatlang neih a ni a, member hnatlang a chhuak zawng zawnge chungah lawmthu an sawi a, Branch YMA in tui an pek avangin leh Blanket phona atan a inchung phal taka hman tirtu L.S.Bakery te chungah lawmthu an sawi.

• YMA AW man khawn mek a ni a, Dt 15. April. 2012 ral hma a pe vek turin an inngan.

• Turnning Point a zurui bengchheng thinte bengchheng tawh lo turin an in ngen.

• Local Council in Zuangtuikhur a Insuk, Inbual, Motor sil, Motor a tui chawi, Tui Pipe te a khap a, chhungtinte tilui lo tur a ngen leh hriattir kan ni.

• Branch Activities hrang hrangah Section hravuitute leh membrite tan la leh zual turin an in ngen.

KHUANGCHERA

• YMA AW man leh Chhiatni Fund April ni 15 hma ngei a khawnfel turin hravuitute an inchah a, chutih rual chuan la pe remchang lo te pawh lo ngai pawimawh hram turin an inngan.

• Section hravuitute member-te tana hravuitute kan nih ang ngei a, YMA hmalakna hrang hrangah theihtawp chhuah leh zual turin an inchah.

• Tunlai hian an section Leader chu a insak mek avangin a chau thei hle.

• Section Asst Leader, Pu Lalrinliana chu Ramthar Field lamah Biak In sain a thang mek, dam taka alo haw leh ngei an beisei.

YMA AW hi vengchheng chanchin than hravuitute hnar pawimawh tak a ni.

• YMA AW man leh Chhiatni Fund tun thla chhung ngei a khawn fel turin an inchah a, la pe remchang lo ten a ranglama lo pe turin an inngan.

• Dawrkai leh kawngpui an a awmte side drain tifai thin turin an inngan.

• Hnahthial lama purchaw laa zin Leader pawh alo haw leh ta.

• Ni 7.4.2012 (Inrinni) zana member hnatlangte chungah lawmthu an sawi a, Ni 9.4.2012 (Thawhtan) zana hnatlang leh turin an in sawm.

• Pu R. Rohnuna, Greenwood Hospital-a awm mek leh Pu Lalthankima Civil Hospital-a awm mekte chu dam taka an lo chhuah leh thuai an duhsak.

Bawlhhlawh

Thil ho ang reng deuh niawm a lang, buaipui ngai zet mai si chu bawlhhlawh hi a ni awm e. Pathian danglamna leh ropuina pawh hi a thianghlimna leh bawlhhlawh kai lo anihna hi a ni. Eden atanga tun thleng hian kan la buaipui a, kan buaipui zel dawn bawk niin alang.

Keini chuan kawrah emaw hmun awl remchang apiangah kan pah a, chu dan chu thlak kan tum a, thlak that chu a harsa khawp mai. Sawrkar chuan PPP mode hmangin bawlhhlawh pahid dan tur a ruahman a. Adan ang chiah hian kan la kal thei lova, he danah hi chuan a pahna senso sawma pakua hi sawrkar tum a ni a, pakhat hi mipui lam tum ve tur a ni.

Tunah hian kan vengah chuan mipui pawisa kan thawh ve ngai lova, bawlhhlawh pahid thinte hian pawisa thawh hi kan tih tur anih avangin, Local Council pawh hian kan thawh ve ngei theihna tur hian ruahmannna siam se a tha hle ang. Heihi mipui tan pawh a tha tur a ni a, neitu rilru kan put theih phahna tur a ni, tun aia zing zawk pawh hian a kal theih phah mai thei, kal loh an neih pawhin engti zia ngei kan ti ngam tawh bawk ang.

Ngaihtuah mai mai teh

Kan kawngpui a tha ve tan dawn chauh a, Local Council hriattir hmasa lo leh veng mipui hriathiamna la hmasa miah lovin tute emaw chuan an rawn lai khuar a, zan reiah an bengchheng em em a, tui pipe an laichhe nual bawk a, engtia hmalak chi nge maw ni zel dawn le, hetianga inpal zam mai mai hi. Nakinah hetiang hi awm leh ta se, kan thuneihna hman a va tha tawh awm em!!

2) Kang thelh ve thei lo tur leh tangkaina nei lo, hmuhnwawm thlira thrir tur ringawt tan chuan kal loh tur. Hnathawktu leh kang thelh tu te tan a hnawk a, duh angin a chet theih loh.

3) Thirting te, Chem leh Plier te a tangkai duh hle. A la kang ve lotte then nan te, kut lawnga khawih ngam loh rangva sa thiah nan te leh electric cerrent khawih nan te.

Hriat turte :

a) Lukhum, pheikhawk, kutkawr leh thawmhawm kang har chi inbel tur a ni.

b) Gas bur awmna leh mihring awmna hriat hmasak ber tum hram a tha, Gas bur hi 400 °C aia sa-ah a puak tlangpui a, in kang tantir lamah chuan a hlauhawm lutuk loh avangin thehchhuah hmasak a neih a tha.

c) Bungrua aiin nunna a hlu zawk tih hria in mihring chhan ngai an awm em tih ngaihtuah hmasak ber tur.

d) Tui a kang kan thelh hian mihring din tlar a tui inhlan chhawn hian hna a sawt duh hle a, Tin/Bucket ruak in hlan chhawnna tur nen a siam tel ngei a tha. chhum lo chat lovin tui in mei a thelh reng theih dawn a ni.

e) Meikang hian boruak tha (Oxygen) a kan ral thin avangin, inchhung a mite kan chhanchhuah vat theih nan, kawngkhar leh turverh leh bang kan thiah theih ang ang te thiah hmasak hram tur a ni.

f) Kan thelh hneh dawn ngang lo va, in danga kangkai ngei dawn ni a alan chuan kha Ina bungruate kha lo thiarchhuah lawk a, hmun him fianrial (kang, rukru leh ruah lak a him tur) ah dah a, vengtu in dah ngei tur a ni. Hmun tam takah in kang avanga bungrua thiarchhuah te bo fo thin.

Kangmei laka kan him theih nan Electric wiring leh gas bur/stove endik fo tur a ni. Tin, Chenna in sak dawn reng rengin kangthelhna hmanrua lam chite ruahman tel nise a tha hle ang. Office, sikul, Biak In, Hall, etc. ah te pawh kangthelhna neih hi intihmu a tul ta hle. Kangmei laka himna tha ber chu fimkhur luat awm lova fimkhur hi a ni

MHIP NEWS

• Ni 5.3.2012 (Ningani) khan kuang khuhna tur puan thuui hnatlang an nei a, member thawkchhuakte chungah lawmthu an sawi a. Hemu nia ei leh in tum saktu Branch YMA chungah an lawm hle.

• Committee-in alo rel tawh anga Nilaini apianga mahni hnathawhna hmun theuhva Puan Bih turin MHIP member te leh veng chhunga hmeichhia zawng zawnge an inchah nawn.

FOOTBALL NEWS

» MFA Cup khel turin inbuatsaih tan a ni a, player-te thahnemngai taka practise thin turin an inchah
» Vengchhungah Vehbur khawn tur a ni a, hruaitute theihtawp chhuah turin an inchah.
» Local Council-in vengchhunga vehbur khawn leh trainning-na bungrua hawh a phalsak chu an lawm hle.

Thlanmuai Sub-Committee

» Dt.5.4.2012 a MHIP in hnatlang a Kuang tuamna tur an thui sak avangin an lawm hle.

CWSC volleyball

» D-3 Inter Village Volleyball tournament, 10.4.2012 (Thawhlehni) atanga tan turah Chanmari West team tan Local Council hruaituten player te tan pheikhawk an leisak a, an chungah Volleyball team te an lawm hle.

» Chanmari West Local Council Team Player te :

Lalduhawma Hnamte 'V' Section
PC Lahlriatpuia 'V' Section
Lalbiaksiama 'CH' Section
Zarzoliana 'K' Section
Ramtharnghaka 'K' Section
Vanlalpeka 'K' Section
Vanlahluta 'N' Section
RD Ramdinmawia 'N' Section
Lalremruata 'N' Section
EVL Hruaitluanga 'N' Section
Coach : CLalthanzuala
Asst Coach: Lalchhuanliana

KEIMAHN

» YMA Buk hnuiah kan insawn fel tawh a, nuam taka cheibawl a ni chu branch chungah editorial board kan lawm hle. Information committee-in light tha takin min tihensak, Pu C Lalzarliana'n gas dahna dawhkan tha tak a rawn tum bawk a, Local Council-ten thingpui hmeh atan ar sawhchhiar min tumsak bawk a, heng zawng zawngah hian lawmthu kan sawi a ni.

HEI LE LIMBU TUI

Limbu Tui fir tha tak kan nei reng e, min dawr thin tuten min han dawr leh teh u. Man tlawmtein kan pe chhuak leh ta chur chur e.

VL. Chhunga, T- Section

1-2 Ph:9862926173

NGENNA

Kan hma lawk, Ni 23.3. 2012 atang hian M.F.A Cup Aizawl-ah khelh tan a ni dawn a. He Cup a tel tur hian Mizoram chhunga 1st Div. Club leh District aiawh Club tha zual thlan a ni a, hetah hian Aizawl District atangin Chanmari West Sporting Club pawh thlan kan ni a, inbuatsaihna kalpui mek a ni. Tournament hmachhawn tur leh inbuatsaihna kal zel tur hian sum leh pai lamah harsatna kan nei a. Hun kal tawha veng mipuite'n a min tanpui tawhna hre reng chung leh inthlahrung tak chungin, Local Council-te hriatpuinain chhungkaw tinah **VEHBUR** khawn leh mai kan tum a. Veng mipuite tlem lua awm lova kan dilna te min lo tihllawhtlinsak leh hram turin kan innge a ni. In mi tanpui tawhnaah thinlung takin lawmthu kan sawi e.

Zonunsanga
Chairman, Football Sub-Committee
Chanmari West Sporting Club

ZOFA news

» Rallu Lam Documentary Film siam tura inbuatsaih tan mek a ni a, a tul huna thawkchhuak thei mai turin member-te an chah.

» Secretary Pu Hlutea, Good Friday hmanga Kawnpu lama zin pawh dam takin a lo haw leh ta.

» Hun remchangah YMA Zawlruk sak tharah Lam zir tum a ni a, member-te leh venchhung thalai Hnam lam zir duh apiangte he huna zir theuh turin an sawm.

» An hruaitu NI Ellen Lalrintluangi ke thiak avanga hun rei tak pawn chhuak thei tawh lo pawhin thatlam a pan zel a, an lawm hle.

Thi Locket chhar

Thi Locket chhar a ni a, a ti bo chuan he Ph.No 9862363888-ah hian ngaihven theih a ni e.

(Lehlama mi zawmna....)

club hi German thisen nen a inzawm tlat. International tournament lianah mipui rin aiin Germany an tha deuh ziah a, a bulpui bera ngaih chu Bayern an nei. He club-a khel tawh German player thate hian an vanglai taka sawmna an dawn changin, hnam thinlung leh an hma lam hun thui tak an thlir avangin sum tam zawk umin club dang an zuan ngai mang lo.

An club hotu ber president atan an player hlui an hmang thin a, club hotu lian dangte pawh Germany tana lo khel tawh an ni deuh zel. An innghatna bulpui ber chu sum leh thil dang ni lovin football a nih miau avangin, German mai ni lovin khawvela football hmangaihtute ngaihsan a ni reng mai a ni.

'Football player hi an mawl vek lo'

- T-a

Europe-in a ngaihsan, South African mipuiten mi ropui ber ang hiala an chhal thin; African ho zinga hmun sang ber luah thei zel, Asia khawmualpuin a tuipui em em khawvela football player thate hi zir sang lo, khelmual pawn lam mihring mihrinnaa chhuan tur nei bik lem lo an ni deuh fur.

Sumdawwna leh football a kalkawp tak tak hnuah phei chuan sum vanga player dem kai an tam hle a, footballer zawng zawng hi chhia leh tha hriatna fim hmang thiam lo leh sum tamna apiang zuan zel mai thin emaw tiitheih hial tur khawp an ni.

Kumin kum tir khan khawvela football club ropui ber zinga mi Bayern Munich-in India ram rawn tlawhin, Indian national team nen Baichung Bhutia thlah nan an inkhel. Hemi tuma thu thar Iakhawmtute hmaa Bayern Munich player thenkhat leh an hruaitute thu sawi chuan football tuipuitute beng a verh a, a hmuna kal leh anmahni kawmna hmuna tel, Mamuana (Y2Goal) nen a hnua kan titinaah, Bayern player-te nungchang leh thusawi a hriat atangin "Footballer zawng zawng hi an mawl vek lo" a ti.

Khawvela midfielder tha ber pawl Bastian Schweinsteiger chuan sum chelek chiam chiam Chelsea leh Manchester City a ngaihsan lohzia leh it loh thu a sawi a, German a nih angin Bayern tana khelh chu a inchhuanna ber a ni a, sum tam tak aiin hun kal zela atana tha ber tur thlirin, German thinlung nena inzawm tlat Munich club lian tana khelh chu a duhthusam ber a ni.

Tun nilaini khan Mario Gomez chuan kum thum dang Bayern tana khel zui zel turin contract a ziak thar. Kum 26 mi Germany striker hian season kal mek Bundesliga-ah goal 23 thunin top scorer a ni a, Champions League-ah goal 11 khung tawh bawkin Lionel Messi nen an khaikhin a; mahse, Gomez chuan khawvela player tha ber nena khaikhin a duh lo.

Contract a ziah belh rualin Gomez chuan : "Ka sawi reng thin chu Bayern hi club ropui a ni a, he hmunah hian ka hlim a, infiamna kawngah kalphung leh hmathlir tha em em ka hmu (sum leh thil dang ni lovin)," a ti.

Bayern hian kum 19 hlep nei theiin club an kalpui mek a, kum tin an sum hmu 50% aia tlem player hlawhah an hmang thin. Player senior leh chhuak thar chawhpawlh rengin, player man to an lakluh rualin an hnen atanga zir chhuak an chhawr tel reng bawk.

Mi hausia leh sumdawng kutah a tlu lut ngai lo va, neitu nihna 81% chu club fan, an member-te ta a ni. Football club kalphung fuh ber ang hiala sawi a ni a, player-te hlawh pe hnem lo mah se, he